



## Ministaup Uqaqtakhangit

Nampa \_\_\_\_\_

Ublumi \_\_\_\_\_

Nangariyauyuq Eva Aariak  
Hivuliqtiyuq  
Ministauyuq Munariyalik Arnait Qanurilinganinginnut

### **Tisaipa 6mi – Kaanatami Ublua Itqaumanirmut Nutqaqtitarnahuarniq – Ningarniq Arnanut**

Uqaqtitti,

Ministaugama munariyumik Arnait Qanurilinganinginnut  
nikuviktunnga ublumi itqaumaquplugit tamaita maligaliuqtiit  
Maligaliurvikmi Tisaipa 6<sup>mi</sup> atuqtauniaqtuq Kaanatami Ublunga  
Itqaumaniq Akhuurutaulunilu nutqaqtiriami Ningarniq Arnanut.

Tamna Kaanatami Ublua Itqaumaniq Nutqaqtitarnahuarniq –  
Ningarniq Arnanut piliurhimayuq ingumanaqtumik tuqutahimayut  
14nguyut inuulramiyut arnaruhit Montreal-mi. Ubluq ublua  
pipkaitjutigiyauyuq pivikhaqtaaqtittinirmullu Kaanatamiutat  
itqaumanahuarlugik inuuyuknairmata tahapkuat inuulramiyut arnat.  
Uvaptiknut, tautuktuuyariami itqaumalugillu tahapkuat arnat  
inuuyuknaiqtut ningarniqmit Nunavunmi.

Uqaqtitti, Nunavut quulitqihimmaaqhimayuq amigaittuq ningarniq  
arnanut Kaanatami.

Kavamauditut, nunallaatigut, uvaptitut paarutinahuaqtaqqut akhuurutauyut piliuriami hakugiktunik, akhuuqtauhimayut nunallaat taimaa inuit tamaita inuulukaaqtukhat ningarhiqhimaittumik. Una piyakhaqqut nutaqqaptiknut, ayurhautigiyuknarhiyut ningarniqmit tatja hivuniptiknilu. Ihariagiyauyuq inuuhptiknut piqpariyaptiknut, piqutigaaalukput Nunaptikni, hivunikhanginnnullu nutaqqavut.

Hivuliqtiuplunnga Munariyaliklu Arnait Qanurilinganinginnut, akhuuqtunnga aatjikutaliriniqmut, tamainnullu Nunavunmiutanut inuuyukhat irhiuqhimaittumik ningarhimaittumiklu.

Tamna Qullit Qanurilinganinginnut Arnait Katimayiingit quviahuutiginiaqtaak talvani itqaumatjutingani ubluani, Tisaipa 6mi, 3munngaqqat unnuktumi Parish Katimavingani hamani Iqalungmi. Akhuuqhunnga ilauquyagit uumunnga quviahuutiginiqmut.

Itqaumata hivulliqaami nikaliqlugit inuuhingit tammaqtavut ningarniqmut talvannga havaliqluta aallangurtikhanganik, itqaumaquplugik tamaita arnaruhit arnaillu tuquhimayut ningarniqmut Kaanatami.

Quanaqqutit, Uqaqtittiyi.